



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ზეთისხილი



ზეთისხილი (Olea), მცენარის გვარი ზეთისხილისებრთა ოჯახისა. ცნობილია 60-მდე სახეობა. სამეურნ. მნიშვნელობა აქვს მხოლოდ ერთ სახეობას – *O. Europaea*. ზ. 4-12 მ სიმაღლის მარადმწვანე სუბტროპ. ხეხილოვანი მცენარეა, ფოთლები წვრილი, ლანცეტისებური აქვს, ნაყოფი კურკიანია, მოგრძო-ოვალური ან მომრგვალო ფორმისა, მისი მასა 15 გ შეადგენს. ცოცხლობს 300-400 წელზე მეტს.

ერთი ხიდან 20-40 კგ მოსავალი მოდის. ნაყოფს იყენებენ ადამიანთა საკვებად (ამწნილებენ, აკონსერვებენ, ხდიან ზეთს ე.წ. ზეთუნის ზეთს), მედიცინაში; მის კოპტონს – ცხოველთა საკვებად, ხოლო მერქანს – სადურგლო და სახარატო საქმეში. ზ. გავრცელებულია ყირიმში, ამიერკავკასიაში, თურქმენეთში, კრასნოდარის მხარეში. ზ-ის 500 ჯიშიდან განსაკუთრებით ცნობილია 80 ჯიში. საქართველოში ზ. გავრცელებულია აფხაზეთში, აგრეთვე კახეთის მშრალ სუბტროპ. ზონაში.
